

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0054833 23
Zenica, 27.10.2025. godine

OPĆINSKOM SUDU U VISOKOM
-Sudiji za prethodno saslušanje-
VISOKO

Na osnovu člana 45. stav 2. tačke i) i člana 241. stav 1. ZKP-a FBiH, p o d i ž e m

O P T U Ź N I C U

Protiv:

S.A., neosuđivana,

što je:

u mjesecu junu 2021. godine, u V., ... kao doktor urgentne medicine i ..., B. I. ubrizgala dermalne filere u predjelu lica- jagodičnih regija u prostoru koji nije bio medicinski pripremljen i licenciran, odnosno nije bio čist, prozračan, dezinfikovao, bez prisustva prašine i potencijalnih kontaminanata, bez stolice i ležaja za pacijente koji su morali biti prekriveni jednokratnim ili sterilnim navlakama koje se mijenjaju nakon svakog pacijenta, bez pismene saglasnosti i pristanka za aplikaciju dermalnog filera koji uključuje jasne informacije o proceduri, bez pripreme kože pacijenta odnosno B. I., za ubrizgavanje dermalnih filera, što podrazumijeva čišćenje i dezinfekciju kože, svjesna da ubrizgavajući dermalne filere na ovakav način kod B. I. može prouzrokovati tjelesne povrede, ali je olako držala da iste neće nastupiti ili da će ih moći spriječiti, pa nakon što je 14.06.2021. godine u prostorijama wc-a ... B. I. ubrizgala dermalne filere u predjelu lica, kod iste su prouzrokovane tjelesne povrede u vidu značajnog stvaranja ožiljnog tkiva desne polovine lica sa deformirajućim vertikalnim ožiljkom od unutrašnjeg ocnog ugla desno prema granici srednje i krajne trećine regije obraza paralelno sa desnom brazdom između nosa i usana, asimetrije zigomatičnih regija uz propadanje i nedostatak mišića regije lica, što je imalo za posljedicu funkcionalni deficit u vidu oštećenja mimike desne strane lica koji dodatno naglašava postojeći deformitet i asimetriju lica, te na lijevoj strani lica gdje je došlo do propadanja potkožnog tkiva, koji ožiljci su nastali kao posljedica stalne upalne reakcije i ponovljenih medicinskih procedura su trajni, a što je imalo za posljedicu i razvoj unakaženosti i vidljive trajne promjene (ožiljci) na području kože lica, koje promjene obzirom da su trajne su narušile i psihičko zdravlje oštećene i izazvale srednju tešku depresivnu epizodu sa dalje prisutnim neraspoloženjem, padom zadovoljstva, te lezijom voljno nagonске sfere, koje navedene povrede u svom sveukupnom djelovanju predstavljaju tešku tjelesnu ozljedu kojom je u znatnoj mjeri oslabljen važan dio tijela oštećene B. I. i trajno i teško narušeno njeno zdravlje ili unakaženost,

dakle, drugog teško tjelesno ozlijedila,

čime je počinila krivično djelo Teške tjelesne ozljede iz člana 172. stav 6 u vezi sa stavom 1 i 3. KZ F BiH.